

Ndime yakukumbukira:

Ndipo iye adabala mwana wakuyamba mmimba mwace. Adamuvunyizira panguwo, acimugonesa mthanga mwa bzifuwo thangwe mnyumba mwa alendo mukhalibe mbuto.

Luka 2:7

Mibvundzo:

1. Akhadapangana tani Maliya na Zuze?
2. Anjo adamuuza ciyani Maliya?
3. Mbani mai wace wa Jezu?
4. Mbani pai wace wa Jezu?
5. Adabadwira kuponi Jezu?

Ficha Técnica:

Título: Kubadwa kwa Jezu
(Nascimento de Jesus)
(The Birth of Jesus)

Língua: CiNyungwe

Ilustrações: Art of Reading

Primeira edição electrónica, 2010

Produzido por: Associação M'sau
lidemo.net@gmail.com
C.P. 652
Nampula, Nampula
Moçambique


O utilizador pode copiar e distribuir a obra

Kubadwa kwa Jezu



Baseado na passagem bíblica: Lucas 2:1-7

Cirewedwe: CiNyungwe



Maliya akhadabverana malowozi na Zuze.
Anjo m'bodzi adayenda kukalewa-lewa naye.
Anjo ule adati: "Un'dzabala mwana wa
mwamuna. An'dzakhala mwana wa Mulungu."

Patapita ntsiku pang'ono, iye adakhala na
mimba. Maliya adauza Zuze, mwamuna wace,
kuti: "Ndina mimba. N'cidabwiso."

Zuze adabva. Zuze adakumbuka kuleka
kumanga naye malowozi. Anjo adayenda
kukalewa-lewa naye. Anjo acimuza:
"Mwanayo ngwa Mulungu. Bzin'funika kuti
umange naye malowozi."

Dziko linango, Siria, mtongi wace akhali
Kirino. Mtsogoleri Seza Aguxtu akhafuna

kudziwa mbogo ya wanhu wentse mdzikomo.
Wanhu wentse bzikhafunika kuti ayende mzinda
wa baba wawo.

Zuze akhakhala muNazaree. Iye adayenda
kuBelee. Zuze akhali wa dzindza la mambo
Davide. Iye adatenga Maliya aciyenda naye
pomwe akhana mimba.

Iwo adafika kuBelee. Adanyang'ana
nyumba yakufikira. Kukhalibe mbuto. Kukhana
wanhu azinji mnyumbazo. Iwo adakapita
mthanga. Mmwemo adabadwa mwanayo.
Adam'funikiza nguwo. Mwanayo akhali Jezu.

